



Pfullinger Schöpfungsgschicht

Mir Pfullenger send hald b'sondre Leud.
Weil's do „Soddene“ ond „Soddene“ ond „Andere“ geid.

Deshalb wird au behaubdet, es dät auf Erda,
blos dreierlei Sorda Menscha geba!

Pfullenger ond „Weiße“ ond „Schwarze“,
des wird behauptet, s' Land auf ond s'Land abe.

Doch solld es schdemma, mit dene drei Rassa,
no müssd ma jo d'heilige Schrift neu verfassa.

Denn laut Bibel begann ja, im Garten Eden,
mit Adam ond Eva, das menschliche Leben.

Es sei denn, dass domols des Paradies,
do war, wo heud d'Echaz nafliëßt.

No wär's au guat möglich, dass sogar
d'r Adam an echder Pfullenger war.

Ond d'Eva wär geborene Schwarz oder Weiß,
doch leider gibt's dafür koin oizige Beweis.

Ob Weiß oder Schwarz, ob Silber oder Gold,
mit Pfullenger send auf onser Pfullenga stolz!

Die Auswerdige, dia send doch blos voller Neid,
weil's bei dene koine Leut wie ons Pfullenger geid.

